

數朝從款走煙霞縱意凭欄看物華百尺樓高通鳥道一川煙
水屬僧家直須心逸方爲樂始信官榮未足誇此景得遊無事
日也宜知幸福無涯

二十五日依韻和左藏吳傳正寺丞見贈

上陽光景好看書非象之中有坦途良月引歸芳草渡快風飛
過洞庭湖不因赤水時時往焉有黃芽日日娛莫道天津便無
事也須閒處著功夫

來詩云從此天津南畔景不
教都屬邵堯夫故有是句

代書寄劔州普安令周士彥屯田

作官休用歎奚爲未有升高不自卑君子屈伸方爲道吾儒進
退貴從宜卽今彭澤歸何地他日東門去未遲痛恨伊嵩景無
道藏輯要

擊壤集

七

四星集七
川上

限一名佳處重來資

和魏教授見贈

清世文章日月懸無才唯幸樂豐年遊山太室更少室看水伊
川又洛川古有孟軻難語覺時無顏子易爲賢讀書每到天根
處長懼諸公問極玄

和吳冲卿省副見贈

非有非無是祖鄉都來相去一毫芒人人可到我未到物物不
妨誰與妨失卽肝脾爲楚越得之藜藿是膏粱一言千古難知
處妙用仍須看呂梁

傷心行